

醫

學

綱

目

醫學綱目卷之五

陰陽臟腑部

治寒熱法

陰勝則陽病陽勝則陰病陽勝則熱陰勝則寒重寒則

熱重熱則寒

陰陽應象論下同

陽勝則身熱腠理閉喘滿爲之

倦仰汗不出而熱齒乾以煩寃腹滿死能冬不能夏陰

勝則身寒汗出身常濇數慄而寒寒則厥厥則腹滿死能

夏不能冬

論諸有過切之濇者陽氣有餘也滑者陰氣有餘也陽氣

有餘爲身熱無汗陰氣有餘爲多汗身寒陰陽有餘則無

汗而身寒陰陽不足則有汗而身熱予補此句爲病之重

者莫大於此如刀割肌肉危之甚不能久矣按經曰邪

生於陽者得之風雨寒暑又曰陽虛生外寒陽受氣於上

焦以溫皮膚分肉之間今寒氣在外則上焦不遇上焦不

通則寒氣獨留於外故寒慄又曰陽盛生外熱上焦不通利則皮膚緻密腠理閉塞玄府不通衛氣不得泄越故外熱經曰邪生於陰者得之飲食居處陰陽喜怒又曰陰虛生內熱有所勞倦形氣衰少穀氣不盛上焦不行下脘不通胃氣熱熱氣薰胃中故內熱又曰陰虛生內寒厥氣上逆寒氣積於胃中而不瀉不瀉則溫氣去寒獨留則血凝血凝則脈不通其脈盛大以澁故中寒

餘見針灸門

經視其顏色黃赤者多熱氣青白者少熱氣黑色者多血少氣

五音五味篇

經曰凡診絡脈脈色青則寒且痛赤則有

熱胃中寒手魚際之絡多青胃中有熱魚際絡赤其暴黑者留久痺也其有赤有黑有青者寒熱氣也其青短者少氣也浮絡多青則痛多黑則痺黃赤則熱多白則寒五色皆見其寒熱也

餘見法陽通論

經云數則爲熱遲則爲寒諸陽爲熱諸陰爲寒

全文見論法通

經曰人迎盛則爲熱虛則爲寒氣口盛則脈滿寒中

治分反正

食不化虛則熱中出糜少氣溺色變

全文見刺女虛實

寒者熱

之熱者寒之微者逆之甚者從之逆者正治從者反治從

少從多觀其事也帝曰反治何謂岐伯曰熱因寒用寒因

熱用寒因寒用通因通用必伏其所主而先其所因其始

則同其終則異可使破積可使瀉堅可使氣和可使必已

全文見論法通論微者調之其次平之盛者奪之汗之下之寒

熱溫涼寒之以屬隨其攸利

全文見論法通論

正治以寒治熱以熱治寒

正注曰假如小寒之氣溫以和之大寒之氣熱以取之

甚寒之氣則下奪之奪之不已則逆折之折之不盡則

求其屬以寒之小熱之氣涼以和之大熱之氣寒以取

之甚熱之氣則汗發之發之不已則逆制之制之不盡

則求其屬以衰之

陰陽盛陰虛下之則愈汗之則死

此熱病也陽盛生外熱陰虛生內熱用寒藥下

仲景云桂枝下兩陽盛則驚

陰盛陽虛汗之則愈下之則死

此寒病也陰盛

生內寒陽虛生外寒用熱藥汗之非止發汗也為助陽也仲景云承氣入胃陰盛以亡東垣云用甘藥以助非汗生

長之

帝曰論言治寒以熱治熱以寒方士不能廢繩墨而更

其術也有病熱者寒之而熱有病寒者熱之而寒二者皆

存新病復起奈何岐伯曰諸病寒之而熱者取之陰熱之

而寒者取之陽所謂求其屬也

王註云益火之源以消陰翳壯水之主以制陽光

帝曰善服寒而反熱服熱而反寒其故何也岐伯曰治其

王氣足以反也帝曰不治王而然者何也岐伯曰悉哉問

也不治五味屬也夫五味入胃各歸所喜故酸先入肝苦

先入心甘先入脾辛先入肺鹹先入腎久而增氣物化之

以熱治
以寒治
以熱治
以寒治

常也氣增而久天之由也

至真要大論下同

○王註云入肝為溫入心為熱入脾為

清入腎為寒入肺為至寒而四氣兼之皆為增其味而益其氣故久服黃連苦參而反熱者此其類也故曰久而增氣物化之常也氣增不已則臟氣偏勝氣有偏勝則臟有偏絕臟有偏絕則有暴大者故曰氣增而久天之由也

問寒病服熱藥而寒不退熱病服寒藥而熱不退何也

答曰啓玄子云熱不得寒是無水也寒不得熱是無火也

寒之不寒責其無水熱之不熱責其無火經云滋其化源

源既已絕藥之假焉能滋其真水火也

帝曰脈從而病反者何如岐伯曰脈至而從按之不鼓諸

陽皆然王註云言病熱而脈數按之不鼓動乃寒盛格陽而致之謂熱也○此一節言症屬陽脈亦從症雖

屬熱而病反寒也諸陽皆然謂三陽帝曰諸陰之反何如

岐伯曰脈至而從按之鼓盛而甚也王註云形症皆寒按之而脈氣鼓擊於指

下感此為熱盛拒陰而生病非寒也○此一節言症屬陰脈亦從症雖屬寒而病反熱也是故百病之

起有生於本者有生於標者有生於中氣者有取本而得

者有取標而得者有取中氣而得者有取標本而得者有
逆取而得者有從取而得者逆正順也若順逆也故曰知
標與本用之不殆明知逆順正行無問此之謂也不知是
者不足以言診足以亂經故大要曰粗工嘻嘻以為可知
言熱未已寒病復始同氣異形迷診亂經此之謂也夫標
本之道要而博小而大可以一言而知百病之害言標與
本易而勿損察本與標氣可令調明知勝復為萬民式天
之道畢矣六氣之病標本相反者唯太陽少陰之病為最
蓋太陽標陽本寒少陰標陰本熱王註釋諸陽
脈至而從為病熱脈數者太陽之標也按之不鼓為寒盛
格陽者寒水之本與標相反也釋諸陰脈至而從為脈証
人寒者少陰之標也按之鼓甚為熱甚拒陰者君火之本
與標相反也是故不知相反者逆標氣之陰陽而正治則
順本氣之寒熱而病加相反者順標氣之陰陽而反治
則逆本氣之寒熱而病愈故曰逆正順也如標與本用之
不殆明知逆順
正行無問也

右脈從病反言症似陽者脈亦從症似陽而其病反是

陰症似

寒也。症似陰者，脈亦從症似陰，而其病反是熱也。故皆反其脈症施治。如身熱微熱，煩躁面赤，其脈沉而微者，陰症似陽也。身熱者裏寒，故也。煩躁者陰盛，故也。面戴陽者下虛，故也。若醫者不知脈，誤為實熱，反與涼藥，則氣消成大病矣。外臺秘要云：陰盛發躁，名曰陰躁。欲坐井中，宜以熱藥治之。故仲景少陰症，面赤者，四逆湯加葱白治之。

東垣云：寒涼之藥入膈，膈身之火得水則煎。走陰燥之極，故欲坐井中。是陰已先亡，醫者

不悟，復認爲熱，重以寒藥投之，其死也何疑焉。

逆氣象陽

全文見五難

或因吐，因嘔，因嗽，而發躁，蒸蒸身熱，如坐甑中，欲得去衣，居寒處，或飲寒水，則便如故。振寒復至，則氣短促，速胃中滿悶，欲絕甚，則口開目瞪，聲聞于外，而淚涕涎痰大作，其發躁須臾而已。如前六脈細弦而瀆按之而虛，此大寒。

陽症似
陰

症也以辛甘寒甘溫之劑大瀉南方北方則愈

手足逆冷大便秘小便赤或大便黑色脉沉而滑者陽
症似陰也輕者白虎湯重者承氣湯傷寒失下血氣不通
令四肢逆冷此是伏熱深故厥亦深速以大承氣湯加膩
粉下之汗出立愈蓋熱厥與陰厥自不同熱厥者微厥却
發熱陰厥即不發熱四肢逆冷惡寒脉沉細犬小便滑泄
右二節言症似陽而脉病屬陰症似陰而脉病屬陽故
反其症而治之蓋症似陽而脉病屬陰者世尚能辨若
脉症俱是陰而病獨屬陽者舉世莫辨而致夭折者滯
滯皆是許學士云熙寧中邠守迪因其猶子病傷寒見
其煩渴而汗多以涼藥治之遂成陰毒數日卒迪痛悼
之遂著陰毒形症訣三篇蓋傷世之意深矣

熱因寒
用

足太陽膀胱之經乃熱因寒用且膀胱本寒其經老陽

因熱
用

也。太陽爲標有陽之名無陽之實謂其將變陰也。其脈繁而數按之不鼓而空虛是外見虎陽而內有真寒也。故仲景以姜附湯久久熟煎不溫服而寒服之亦是寒治也。姜附氣味俱陽加之久久熟煎取重陽之熱瀉純陰之寒是治其本也不溫服而寒服此以假寒治太陽標之假陽也。故爲真假相對之治法。因藥處治者當知其脈之空虛則是內伏陰寒之氣外顯熱症。大渴引飲目赤口乾面赤身熱四肢熱如火者此浮陽將絕于外而內則爲寒所拒也。手少陰心之經乃寒因熱用且少陰之經真陰其心病根本是真火也。故曰少陰經標陰本熱是內則心陽爲本外則真陰爲標其脈沉細按之洪大緊甚而盛者心火在內則緊甚洪大真陰爲標則得脈之沉細寒水之體也。故仲景以大承氣湯酒製大黃煎成熱服之以除標寒用大

黃芩礮辛苦大寒之氣味以瀉本熱以此用藥可以為萬

世法矣

治熱以寒

治熱以寒溫而行之

至真要大論○即寒因熱用之類如補大黃去積大寒之藥然服是

已

丹溪治色目婦人惡寒用八物湯去芎加炒栢治之反劇知其病熱深而藥無反佐之過也仍取前藥熱炒與之而愈此治熱以寒借火之力溫而行之也

治熱以寒溫而行之有三皆因大熱在身止用黃芪人參甘草此三味者皆甘溫雖表裏皆熱燥發於內捫之肌熱於外能和之汗自出而解矣此溫能除大熱之至理一也熱極生風乃左遷入地補母以虛其子使天道右遷順行諸病得天令行而必愈二也況大熱在上其大寒必伏於內溫能退寒以助地氣地氣者在人乃胃之生氣使真

氣旺三也

治寒以熱

四治寒以熱涼而行之

因寒用之類如用乾姜
附子大熱之藥與冷服是已

仲景治少陰病下利脈微者與白虎湯利不止厥逆無脈乾嘔煩熱白通加猪膽汁湯主之此治寒以熱借膽汁之涼而行之也

四垣治寒以熱涼而行之有三北方之人爲大寒所傷其足脛脹乃寒勝則浮理之然也若火炙湯浴必脫毛見骨須先以新汲水浴之則時見完復矣更有大寒凍其面或耳若近火湯必脫皮成瘡須先於涼房處浴之少時以溫手熨烙必能完復此涼而行之除其大寒之理一也大寒之氣必令母寬乃地道左遷入肺逆行於天以涼藥投之使天道右遷而順天令諸病得天令行而必愈二也況大寒在外其大熱伏於地下者乃三焦包絡天真之氣所居

之根蒂也。熱伏於中，元氣必傷；在人之身，乃胃也。以涼藥和之，則元氣充盛而不傷三也。

惡寒非寒

惡寒非寒，惡熱非熱論。○經曰：惡寒戰慄者，皆屬於熱。

又曰：戰慄如喪神守，皆屬於火。惡寒者，雖當灸，且若遇風，霜重綿在身，如覺凜凜戰慄，如喪神守，惡寒之甚也。原病式曰：病熱症而反覺自冷，此爲病熱，實非寒也。或曰：往往見有服熱藥而可愈者，何也？病熱之人，其氣炎上，鬱爲痰飲，抑遏清道，陰氣不升，病熱尤甚，積痰得熱，亦爲暫退熱，勢助邪，其病益深。或曰：寒勢如此，誰敢以寒涼藥與之，非殺而何？予曰：古人遇戰慄之症，有以大承氣湯下燥糞而愈者，惡寒戰慄，明是熱症，但有虛實之分耳。

經曰

經曰：陰虛則發熱，夫陽在外，爲陰之衛，陰在內，爲陽之守。

精神外馳，嗜慾無節，陰氣耗散，陽無所附，遂致浮散於肌。

表之間而惡熱實非有熱當作陰虛治之而用補養之法可也或曰傷寒惡寒惡熱者亦是耶予曰若病傷寒者自外入內先賢論之詳矣愚奚庸贅

治發熱

大法

用火鬱當看熱在何經輕者可降重者則隨其性而升之人虛火盛顛者用生姜湯若投以冰水正治之立死實火可瀉小便降火極速有補陰卽火自降炒栝地黃之類凡氣有餘便是火急甚者必緩之生甘草兼瀉兼緩參朮亦可凡火盛者不可驟用寒涼藥必兼溫散之左金丸治肝火用黃連六兩吳茱萸一兩陰虛火動難治 喫酒人發熱難治 不飲酒人因酒發熱者難治 一男子二十三歲因酒發熱用青黛瓜萋仁入姜汁每日數匙入口中三兩月而愈

小兒癰後餘熱不退痲不收斂大便不行是謂血燥則

當以陰藥治之因而補之用清涼飲子通大便而瀉其熱

潔古云涼風至而草木實夫清涼飲子乃秋風微熱之劑

也此甘寒傷寒表邪入於裏日晡潮熱大渴引飲語狂

燥不大便是胃實乃可攻之夫胃氣為熱所傷以承氣湯

瀉其上實元氣乃得周流承氣之名於此具矣此苦寒瀉

今世人以苦泄火故備陳之除熱瀉火非甘寒不可以苦

寒瀉火非徒無益而反害之故有大熱脈洪大服苦寒劑

而熱不退者加石膏如症退而脈數不退洪大而病有

加者宜減苦寒加石膏如大便軟或泄者加桔梗食後服

之此藥誤用則其害非細用者旋旋加之如食少者不可

用石膏石膏善能去脈數如病退而脈數不退者不治

大熱而脈反細小不可下者瀉心湯主之脈有力可用

之。骨肉筋血皮毛陰足而熱反勝之是謂實熱。

四能食而熱口舌乾燥大便難者實熱也以辛苦大寒之劑下之瀉熱補陰經云陽盛陰虛下之則愈脉洪盛而有力量者是已。

五人壯氣實火盛顛狂者可用正治芒硝冰水之類飲之。**六**骨痿肉燥筋緩血枯皮聚毛落陰不足而有熱疾是謂虛熱。

七不能食而熱自汗氣短者虛熱也以甘寒之劑瀉熱補氣經云治熱以寒溫而行之脉虛弱無力者是已。

當歸補血湯 治婦人肌熱大渴引飲目赤面紅晝夜不息其脉洪大而虛重按全無內經曰脉虛血虛脉實血實又云血虛發熱是也症象白虎惟脉不長實難辨也悞服白虎湯必死此病得於饑困勞役

黃芪一兩

當歸二錢
酒洗

右剉作一服水二盞煎至一盞去查稍熱空心服之

補中益氣湯 治飲食勞倦所傷始爲熱中蓋人受水穀之氣以生所謂清氣營氣運氣衛氣春升之氣皆胃氣之別名也夫胃氣爲水穀之海飲食入胃遊溢精氣上輸于脾脾氣散精上歸于肺通調水道下輸膀胱水精四布五經並行合於四時五臟陰陽揆度以爲常也若飲食失節寒溫不適則脾胃乃傷喜怒憂恐損耗元氣脾胃氣衰元氣不足而心火獨盛心火者陰火也起於下焦其系繫於心心不主令相火代之相火包絡之火元氣之賊也火與元氣不兩立一勝則一負脾胃氣虛則下流肝腎陰火得以乘其土位故脾症始得則氣高而喘身熱而煩其脉洪大而頭痛或渴不止其皮膚不任風寒而生寒熱蓋陰火

上衝則氣高喘而煩熱爲頭痛爲渴而脉洪脾胃之氣下流使穀氣不得升浮是春生之令不行則無陽以護其營衛不任風寒乃生寒熱此皆脾胃之氣不足所致也然與外感風寒之症頗同而實異內傷脾胃乃傷其氣外感風寒乃傷其形傷其外則有餘有餘者瀉之傷其內則不足不足者補之汗之下之吐之剋之之類皆瀉也溫之和之調之養之之類皆補也內傷不足之病苟誤認作外感有餘之症而反瀉之則虛其虛也實實虛虛如此死者醫殺之耳然則奈何唯當以辛甘溫劑補其中而升其陽甘寒以瀉其火則愈矣經曰勞者溫之損者溫之又曰溫能除大熱大忌苦寒之藥損其脾胃脾胃之症始得則熱中今立法治始得之症

黃芪

病甚熱甚者乙錢

人參

二分有嗽去之

甘草

五分

當歸身

二分酒製

橘皮

分二

升麻

分二

柴胡

分二

白朮

分三

右咬咀作一服水二盞煎至一盞量氣弱氣盛臨病掛酌水盞大小去查食遠稍熱服如傷重者不過二服而愈若病久者以權立加減法治之如腹中痛者加白芍五分炙甘草三分惡寒冷痛者加中桂去皮二分如惡熱喜寒而腹痛者於已加芍藥甘草中更加生黃芩三分或二分或夏月腹痛而不惡熱者亦然治時熱也若天涼惡熱而痛於加白芍甘草黃芩中更加桂少許天寒腹痛去芍藥味酸寒故也加益智仁三分或加半夏五分生姜三片如頭痛加蔓荊子三二分痛甚者加川芎二分頂痛腦痛加藜本三分或五分若苦頭痛者加細辛二分諸頭痛者併用此四味足矣若頭上有熱則此不能治別以清空膏治之如臍下痛者加

真熱地五分其痛立止如不止者乃大寒也更加肉桂
去皮三分或二分內經所說小腹痛皆寒症從復法相
報中來也經曰大勝必大復從熱病中變而作也非傷
寒厥陰之症也仲景用抵當湯併丸主之乃血結下焦
膀胱也如胃中氣壅滯加青皮二分氣促少氣者去
之如身有疼痛者屬濕若身重者亦濕加去桂五苓
散一錢如風濕相搏一身盡痛加羌活防風各五分升
麻桑本根蒼木各一錢勿用五苓散所以然者爲風藥
已能勝濕故別作一服與之如病去勿再服以治風之
藥大損元氣而益其病故也如大便秘濇加當歸稍
一錢如閉濇不行煎成正藥先用一口調玄明粉半錢
或一錢得行則止此病不宜下下之恐變成凶症也
如久病痰嗽者去人參初病者勿去冬月春寒或秋涼

時各宜加不去節麻黃半錢如春令大溫則加佛耳草
三分欬冬花二分如夏月病嗽加五味子三分去心麥
冬二分或三分如舌上白滑胎是胃中有寒勿用之如
夏月不嗽亦加人參三二分并五味子麥冬各等分救
肺受火邪也如病人能食而心下痞加黃連二分或
三分如不能食而心下痞勿用如脇下痛或急縮者俱
加柴胡甘草

右一方加減是飲食勞倦喜怒不節始病熱中則可用
之若末傳寒中則不可用也蓋甘酸適足益其病耳如
黃芪人參甘草芍藥五味之類是也

恒氣運衰旺圖

濕胃化 熱小腸長 風膽生 皆陷下不足先補則用
黃芪 甘草 當歸 升麻 柴胡 人參 乃辛甘發

散以助春夏生長之用者也。

土脾形 火心神 木肝血 皆大盛上乘生長之氣後

瀉則用甘草稍之甘寒瀉肺火逆於胃中傷氣者也黃

芩之苦寒以洩胃中之熱喘氣上奔者也 紅花以破

惡血 用黃芩大補腎水益肺氣瀉血中火燥者也

寒膀胱藏氣 燥大腸收氣 皆大旺後瀉則用黃芪

甘溫止自汗實表虛使不受寒邪當歸之辛溫能潤燥

更加桃仁以通幽門閉塞利其陰路除大便之難燥者

也。

水腎精 金肺氣 皆虛衰不足先補則用黃栢之苦寒

除濕熱爲痿乘於腎救足膝無力亦除陰汗陰痿而益

精甘草稍黃芩補肺氣洩陰火之下行腎苦氣上逆急

食苦以洩之也。

此初受熱中常治之法也非權也權者臨病制宜之謂也

實熱立治

晝熱則行陽二十五度大抵柴胡飲子 夜熱則行陰

二十五度大抵四順飲子

又云一身盡熱或日晡潮熱或夜則行陰發熱者皆血熱

也四順飲子或桃仁承氣湯遲而用之當視其由表入裏腹痛血刺痛腹中有無轉矢氣之異

平日

發熱熱在行陽之分肺氣主之故用白虎湯以瀉氣中

之火

又云白虎治脈洪故抑之使秋氣得以下降也

日晡潮熱熱在行陰之

分腎氣主之故用地骨皮以瀉血中之火

又云地骨皮散治脈弦故

舉之使春氣得以上升也按地骨皮散治虛熱方也

血分氣

氣分熱

柴胡飲子

白虎湯

血分熱

清涼飲子

即四順散

桃仁承氣湯

牽牛味辛烈能瀉氣中之濕熱不能除血中之濕熱

防已味苦寒能瀉血中之濕熱又通血中之滯塞

柴胡飲子

方見勞熱

白虎湯

方見傷寒

地骨皮散

方見骨蒸門

清涼飲子

大黃蒸

甘草炙

當歸洗

芍藥洗各等分

右吹咀每服五錢薄荷十葉水一盞半同煎至七分去

查溫服

桃仁承氣湯

方見傷寒

附人病脈虛氣鬱發熱

芍藥

酒炒一兩二錢五分

香附一兩

蒼朮半兩

沙參三錢

甘草

一分五分

右吹餅丸服

脈滑腸有宿食常暮發熱明日復止者於宿食門求之濕痰夜熱以三補丸加白芍藥為丸

三補丸方

黃芩

黃柏

黃連

為末粥糊為丸

辨分表裏

熱分上下

有表而熱者謂之表熱無表而熱者謂之裏熱故苦者以治五臟五臟屬陰而居于內辛者以治六腑六腑屬陽而在外故曰內者下之外者發之又宜養血益陰身熱自除

自除

以脈言之浮數為外熱沉數為內熱浮大有力為外熱沉大有力為內熱

熱在上焦者因欬為肺痿熱在中焦者為堅熱在下焦者為尿血亦令淋閉不通

肘前熱者腰以上熱手前獨熱者腰以下熱肘前獨熱者膺前熱肘後獨熱者肩背熱臂中獨熱者腰腹熱肘後以下三四寸熱者腸中有虫掌中熱者腹中亦熱

全文見診法

三焦熱用藥大例 上焦熱梔子黃芩 中焦熱小便

不利黃連芍藥 下焦熱黃柏大黃

上焦熱 清神散

連翹防風湯 涼膈散

龍腦飲子

犀角地黃湯

中焦熱 小承氣湯 調胃承氣湯 洗心散

四順清涼飲 桃仁承氣湯

下焦熱 大承氣湯 五苓散 立効散

八正散 石葦散 四物湯

身熱脉洪無汗多渴者熱在上焦宜桔梗湯

桔梗 連翹 山柅 薄荷 黃芩 甘草各等分

右爲粗末竹葉白水煎溫服汗之熱服 春倍加防風

羌活 夏倍加黃芩知母 季夏溽雨倍加羌活 秋

加桂五錢 冬加桂一兩亦可以意消息隨症增損而

用之

清神散 消風 癰化 痰涎 治頭目眩面熱

檀香桂 人參去 羌活去 防風去

薄荷去 甘草 荆芥穗各二 石膏研四

肘獨熱
多渴咽
腫日本
口虛痛
上熱

細辛 去苗焙
五錢

右為末每服二錢沸湯點服或入茶末點服 此方虛熱可用

龍腦飲于治蘊積邪熱咽喉腫痛眼赤口瘡心煩鼻衄 丹

云上中二焦藥也

砂仁 瓜蒌根 各三兩 藿香葉 二兩 石膏 四兩

甘草 蜜炙六兩 梔子 微炒十兩

右為末每服二錢至三錢用新汲水入蜜調下

無擇加減涼膈散退六經之熱 丹溪云涼膈散心脾胃藥也

易老涼膈散減大黃芒硝加桔梗甘草一法加防風同為

舟楫之劑浮而上之治胃膈中與六經之熱以手足少陽

之氣俱下膈終胃中三焦之氣同相火遊於身之表膈與

六經乃至高之分此藥浮載亦至高之劑故施於無形之

中隨高而走去胃膈中及六經之熱也

梔子仁

一兩五錢芒硝兩

連翹

薄荷

黃芩

甘草各一兩半

大黃五錢

右爲粗末每一兩水二盞竹葉七片同煎至一盞去渣入蜜少許食後服加姜煎亦得去六經熱減大黃芒硝加桔梗甘草人參防風治肺經邪熱咳嗽有痰加半夏涼膈與四物湯各半服能益血洩熱名雙和散錢氏去連翹加藿香石膏爲瀉黃散

本藥法治大人小兒五臟積熱煩燥多渴唇裂喉閉目赤鼻頰結硬口舌生瘡陽明疝傷寒發狂見鬼譫語大小便閉一切風壅並皆治之

山梔仁

甘草

赤芍藥各一兩

朴硝

連翹

薄荷淨

乾葛各二兩

右爲散每服二錢水一盞入竹葉七片蜜三匙同煎至

七分去查食後服唯陽明症傷寒忌下 此藥局方亦
載綠味數與用藥大段不同予一姪婦忽患熱病欲死
付之一服立效後來累服累驗幸毋忽

又方

白朮

荆芥

赤芍藥各三 大黃

車前子

生用

木通

甘草

當歸各二

右為細末大便秘結米泔調空心服三錢上膈壅熱或
生赤丹或生癰瘡用水二盞煎六分若小便結如淋狀
用蘆根打碎洗淨煎湯下五心煩熱用生姜一片同煎
服效

小承氣湯

方見傷寒

調胃承氣湯

方見傷寒

四順飲子

方見前氣血

桃仁承氣湯

方見傷寒

大承氣湯

方見傷寒

立效散治下焦結熱小便黃赤淋閉疼痛或出血

葶中熱
明實腫
切房中
熱

山梔

炒半兩

瞿麥穗

一分 甘草

多三分

右爲末每服五錢水一碗入連翹葱根七箇燈心五十

莖生薑七片同煎至七分溫服

石葦散治膀胱有熱水道淋瀝或尿如葦汁及出砂石

石葦

木通

滑石

王不留行

各二兩

甘草

稍一兩 當歸

白朮

瞿麥

芍藥

葵子

各三兩 黃芪

二兩

右爲細末每服煎湯調下空心服

經云胃足陽明之脈氣盛則身以前皆熱當取足三里等穴全文見別灸

帝曰人有四肢熱逢風寒如炙如火者何也岐伯曰是

人者陰氣虛陽氣盛四肢者陽也兩陽相得而陰氣虛少

少水不能滅盛火而陽獨治獨治者不能生長也獨勝而

止耳逢風如炙如火者是人當肉燥也

見逆調論

身前熱
屬陽明
四肢熱
陰虛

手獨熱
大小便
並閉血
熱下

手足心
熱屬火

仲

三物黃芩湯治婦人四肢煩熱

方見產頰

三

治手足心熱用東垣火鬱湯

方見後水鬱熱性

治手足心熱此方神妙

梔子

香附

蒼朮

白芷

半夏

川芎

右用神麴糊丸

熱分五
臟

論

身熱有五不同論 五臟有邪各有身熱其狀各異以

手捫摸有三法以輕手捫之則熱重按之則不熱是熱在

皮毛血脉也重按至筋骨之分則熱蒸手極甚輕摸之則

不熱是熱在筋骨間也輕手捫之則不熱重手加力按之

亦不熱不輕不重按之而熱是熱在筋骨之上皮毛血脉

之下乃熱在肌肉也此謂三法以三黃丸通治之細分之

則五臟各異矣

肺熱者輕手乃得微按全無覺覺然見於皮毛上爲肺主

皮毛故也日西尤甚乃皮毛之熱也其症必見喘欬濕漸
寒熱輕者瀉白散重者涼膈散白虎湯之類治之及地黃
地骨皮散

心熱者心主血脈微按於皮膚之下肌肉之上輕手乃得
微按至皮毛之下則熱少加力按之則全不熱是熱在血
脈也日中太甚乃心之熱也其症煩心心痛掌中熱而噤
以黃連瀉心湯導赤散硃砂丸安神丸清涼散之類治之
脾熱者輕手捫之不熱重按至筋骨又不熱不輕不重在
輕手重手之間此熱在肌肉遇夜尤甚其症必怠惰嗜臥
四肢不收無氣以動以瀉黃散調胃承氣湯治實熱用之
人參黃芪散補中益胃湯治中虛有熱者用之

肝熱者按之肌肉之下至骨之上乃肝之熱寅卯間尤甚
者其脈弦其病四肢滿悶便難轉筋多怒多驚四肢困熱

筋痿不能起於牀，瀉青丸、柴胡飲之類治之。兩手脈弦者，或寅申發者，皆肝熱也，俱宜用之。

腎熱者，輕按之不熱，重按之至骨，其熱蒸手如火，如炙其

人骨，蘇蘇然如虫蝕其骨，困熱不任，亦不能起於牀，滋腎

丸、六味地黃丸，主之。

以脉言之，則輕按之如三菽之重，與重與血脉相得而數者，心熱也。如九菽之重，與肌相得而數者，皮熱也。如十二菽之重，與筋相得而數者，肝熱也。按之至骨，舉指來疾而數者，腎熱也。

黃連瀉心火，木通瀉小腸火，黃芩瀉肺火，

黃芩瀉大腸火，

柴胡瀉肝火，

柴胡瀉膽火，

以黃連

白芍藥瀉脾火，

石膏瀉胃火，

知母瀉腎火，

黃柏瀉膀胱火，

石膏瀉胃火，

知母瀉腎火，

黃柏瀉膀胱火，

一日瀉

皮膚如火燎，而以手重取之，不甚熱，肺熱也。目白睛赤

煩躁引飲，單與黃芩一物湯。

勢在皮
七日瀉
大寒飲

丹清金丸伐脾肺火 黃芩爲末粥丸又名與點丸

右二方瀉肺中血分之火瀉白散瀉肺中氣分之火

錢瀉白散

方見治虛實
法五臟條

涼膈散

白虎湯

方俱
見前

瀉心湯瀉下

方見治虛實
法五臟條

丹柳青丸伐心經之火須審虛實用之 黃連爲末粥丸

本事方治心熱千金地黃丸

黃連

四兩爲
粗末

生地

半斤研取汁連查
併二味拌勻曬乾

右爲細末煉蜜丸如桐子大每服三十九食後門冬湯

下

門冬丸治心經有熱

麥冬兩

黃連兩

右爲細末蜜丸如桐子大食後熟水下三十九

海清心丸治熱

黃栢二兩

麥冬一兩

黃連一兩

龍腦錢一

煉蜜丸如桐子大每服十九臨臥門冬酒下或薄荷湯

亦得

導赤散瀉丙

方見治疳實法五臟條

火府丹丙丁俱瀉

黃芩一兩

黃連一兩

生地二兩

木通三兩

為細末煉蜜如梧子大每服二三十丸臨臥溫水下

瀉黃散

方見治疳實法五臟條

調胃承氣湯

方見傷寒

瀉青丸

方見

治虛實法五臟條

當歸龍薈丸

當歸倍

草龍膽

山梔

黃連

黃栢

黃芩各一兩

大黃

蘆薈

青黛各半兩

木香二錢半

麝香半錢另研

熱在兩脇寅卯甚多驚風

右爲末煉蜜丸如小菝大小兒如麻子大生姜湯下二
三十九忌發熱諸物兼服防風通聖散

回金丸伐肝經火亦審虛實用之

黃連兩六

吳茱萸兩一

右爲末粥丸

佐金丸佐肺金以伐肝木之邪

片苓兩六

吳茱萸兩一

右爲末蒸餅丸

滋腎丸

黃柏兩二
酒洗焙

知母兩二
酒洗焙

肉桂兩二
錢

右爲末熟水丸如雞頭大每服百丸加至二百丸白沸

湯下空心服

治腎熱諸方並見
勞瘵

熱分肺

胃膈上

熱下熱

底膈

熱分卷

胃中熱則消穀令人懸心善饑臍已上皮膚熱腸中熱則

出黃如糜臍已下皮熱神傳篇曰胃居臍上故脾熱則肺

下熱如肝膈居臍下則當臍亦熱肺居背背膈熱則當背亦熱可類推也

暴熱者病在心肺積熱者病在腎肝暴熱者宜局方雄

黃解毒丸積熱者宜局方妙香丸暴者上喘也病在心肺

謂之高喘宜木香金鈴子散上焦熱而煩者宜牛黃散有

病久憔悴發熱盜汗謂之五臟齊損此熱勞骨蒸之病也

瘦弱虛損煩喘腸澀下血皆蒸勞也治法宜養血益陰熱

能自退此謂不治而治也錢氏地黃丸主之

雄黃解毒丸治上膈壅熱痰涎不利咽喉腫痛赤眼癰腫

方見

木香金鈴散治暴熱心肺上喘不已

大黃五

金鈴子去核

木香各三

輕粉許

朴硝二

右爲末，搗白皮煎湯調下，食後三四錢，以利爲度。

牛黃散治上焦熱而煩不能臥睡。

山梔

大黃

鬱金各半兩

甘草

右爲末，每五錢水煎溫服，微利則已。

肝熱

妙香丸

丹溪云：疎決腸胃，制伏木火之劑。

辰砂

水飛八兩

龍腦

膩粉研

麝香研各八兩

牛黃

半兩

金箔

九十片

巴苳

三百十五粒，去皮心，膜炒熟，研如泥，去油。

右合研勻，用淨黃蠟六兩入白礬七錢半，同煉蜜勻爲丸，每兩作三十丸，米飲吞下。如要藥速行，卽用鍼刺一眼，入冷水浸少時服之。

熱五

久熱屬勞，瘵治法見瘵門。

諸熱分而言之，則有氣血表裏上下五臟之異，合而言

之則氣熱表熱上焦熱心肺熱皆屬陽而治相類血熱裏熱下焦熱腎肝熱皆屬陰而治亦相類中焦與脾熱亦然

通治熱氣用黃連解毒湯治大熱甚煩躁錯語不得眠

黃連

七錢半

黃栢

山梔

各半兩

黃芩

一兩

右以咀每服五錢水煎去查熱服如未效再服

前方中加防風連翹爲金花丸治風熱加柴胡治小兒

潮熱與四物相合各半爲湯治婦人潮熱

三黃丸治丈夫婦人三焦積熱上焦有熱攻衝眼目赤

腫頭項腫痛口舌生瘡中焦有熱心膈煩躁飲食不美下

焦有熱小便赤澁大便秘結五臟俱熱卽生癰癤瘡瘻及

治五般痔疾糞門腫痛或下鮮血

丹溪云此三焦藥也

黃連

澤

黃芩

去

大黃

各十兩

右爲細末煉蜜丸如桐子大每服三十九熱水吞下視
臟腑虛實加減服之小兒積熱亦宜服

紫雪治脚氣毒遍內外煩熱不解口中生瘡狂易叫
走療毒及解諸熱藥毒卒黃等毒并蠱魅野道熱毒又治

小兒驚疳熱病

丹溪云此心脾
胆腎胃經之藥

寒水石 石膏 磁石 滑石

已上四味各三斤搗
爲細末用水一石煎

至五斗去
渣入後藥 玄參

一斤洗
焙切

沉香 羚羊角 犀角

青木香 升麻

各五
兩

丁香 甘草

八兩已上八
味均爲末入

煎藥汁中再取一斗五
升去渣入下項二味藥

朴硝 硝石

好者二斤
已上二味

入煎藥汁中微火煎不住手將柳木棍攪候七八
升許投在盞中半日後飲藥方入下項二味藥

辰砂 麝香

真者一兩二錢乳研已上二
味入煎藥汁中并調令勻

合成後蜜二日每服一錢或二錢冷水食後調服大人

小兒子細加減

局方又用黃
金一百兩

陰覆乎陽火不得伸宜汗之經曰體若燔炭汗出而散者是也 脉弦而數者此陰氣也宜風藥升陽以發火鬱則脉數峻退矣 凡治此病脉數者當用黃柏少加黃連柴胡蒼朮黃芪甘草更加升麻得汗則脉必下乃火鬱則發之意也

柴胡升陽湯治男婦四肢發熱肌肉熱筋痺熱骨髓中熱發如火燎火燒捫之令人亦熱四肢主屬脾脾者土也熱伏地中此病多因血虛而得又因胃虛過食冷物冰水無度鬱遏陽氣於脾土之中經曰火鬱則發之

升麻

葛根

獨活

羌活

各半兩

防風

二錢半

甘草

生二錢

柴胡

五錢

炙甘草

二錢

人參

半兩

白芍藥

半兩

右咬咀每服半兩水三大盞煎至一盞去渣稍熱服忌

冷物水月餘

疔火鬱湯治五心煩熱是火鬱于地中四肢土也心火下

陷在脾土之中故宜升發火鬱丹溪云流于足心熱用東

方見前手足心熱條

升麻

葛根

防風

柴胡根

炙甘草

白芍藥各五錢

右咬咀每服三四錢水二大盞入連翹葱白三寸煎去

查稍熱服

運氣發熱有三

一曰火熱助心實而熱經曰歲火太過炎暑流行病甚則

身熱骨痛而爲浸淫又曰少陽所至爲瘍疹身熱又曰少

陰司天客勝則頭痛是少陽之發熱治以諸寒是也

二曰寒邪攻心虛而熱經曰歲水太過寒氣流行民病身

熱煩心燥悸陰厥又曰歲金不及炎火乃行寒復則陰厥
且格陽反上行發熱又曰少陽在泉主勝則熱反上行熱
發格中而嘔蓋主勝者謂冬寒勝少陽之客熱治以諸熱
是也

三曰風煽火及寒濕鬱火而熱經曰太陽司天之政初之
氣氣乃大溫民病身熱頭痛是風煽陽而熱也治宜清之
又云四之氣風濕交爭民病大熱少氣又云少陽司天之
政二之氣火反饒白埃四起民病頭痛身熱是寒濕鬱火
而熱治視寒熱少多其制是也

黃帝曰刺節言徹衣夫子乃言蓋刺諸陽之奇輸未有
常處也願卒聞之岐伯曰是陽氣有餘而陰氣不足陰氣
不足則內熱陽氣有餘則外熱內熱相搏熱於懷炭外畏
綿帛近不可近身又不可近席腠理閉塞則汗不出舌焦

唇搗脂乾噤燥飲食不讓美惡黃帝曰善取之奈何岐伯
曰取之於其天府大杼三痛又刺中膂以去其熱補手足
太陰以去其汗熱去汗稀疾於微衣刺節真邪篇火熱
在上推而下之從下上者引而去之

身熱胃腸痛不可反側顧息主之嗜臥身體熱不能
動搖大濕三陽絡主之

兩手太熱爲骨厥如在火中可灸湧泉穴三壯立安

握要手心發熱魚際取針向後三分少府三分脚心發熱濕

痒束骨先海後補灸足底發熱脚核疼公孫牛寸

脈浮而濇濇而身有熱者死通詳虛實論熱而脈靜者難

治玉機真

脈盛汗出不解者死脈虛熱不止者死詳見傷寒發熱

勞瘵骨蒸熱

虛者皮毛肌肉筋脈骨髓氣血津液不足也若男女終日勞役神耗力倦饑飽越常喜怒憂思形寒飲冷縱欲恣情素問曰今人未及半百而衰者以酒爲漿以妄爲常醉以入房以慾竭其精以耗散其真根源從此而虛竭矣五臟六腑如何不弱五勞六極七傷從此而始何謂五勞心勞血損肝勞神損脾勞食損肺勞氣損腎勞精損六極謂筋脈肉皮毛骨瘁損是謂六極七傷難經言之甚詳傷形與氣謂之七傷總而言之爲虛是也大抵五行六氣水特五之一耳夫一水既虧豈能勝五火哉虛勞等症蜂起矣其體虛者最易感於邪氣當先和解微利微下之從其緩而治之次則調之醫者不知邪氣加之於身而未除便行補劑邪氣得補遂入經絡致死不治如此誤者何啻千萬良可悲哉內經中本無勞症之說其曰勞者溫之溫者溫

存之義不足者補之以味穀肉菜果百味珍羞無非補也
今之醫者不通其法唯知大補之道輕則當歸鹿茸雄附
重則乳石丹砂加之以灼艾補燥其水水得熱愈涸生火
轉甚少而成嗽痰血潮熱煩渴喜冷此則熱症明矣重則
失音斷不可救猶且峻補不已如此死者醫殺之耳及遇
良工治驗而以清劑解之不令病人之意反行恠責及開
發表攻裏之說畏而不從甘死於庸工熱補之手雖死不
悔深可憫也夫涼劑能養水清火熱劑能燥水補火天下
之事無出乎理理既明何患疾之不安勞爲熱症明矣還
可補乎惟無邪無熱無積之人脉舉按無力而弱者方可
補之又必察其胃中及右腎二火虧而用之心虛則動悸
恍惚憂煩少色舌強宜養榮湯琥珀定神丸之類以益其
心血脾虛面黃肌瘦吐利清冷腹脹腸鳴四肢無力飲食

不進宜快胃湯進食丸之類以調其飲食肝虛目昏筋脉拘攣面青恐懼如人將捕之狀宜牛膝益中湯虎骨丹之類以養助其筋脉肺虛呼吸少氣喘乏咳嗽啞乾宜枳實湯加人參黃芪阿膠蘇子以調其氣腎虛腰背脊膝厥逆而痛神困耳鳴小便頻數精漏宜八味丸加五味子鹿茸去附子用山藥等丸以生其精

虛勞瘵主陰虛痰與血病 虛勞漸瘦屬火陰火消鑠即是積熱宜照後法治之

韋還丹治陰虛骨蒸用青蒿一斗五升童便三斗文武火熬約童便減至二斗去蒿再熬至一升入猪膽七箇再熬數沸用甘草末收和爲丸梧子大每服五十九

治勞病四物湯加竹瀝入小便 陰虛發熱四物湯加黃栢降火補陰甚者加龜板

張氏 治骨蒸方 生地黃一升 搗取汁 盡分再服 利則減之 以身涼爲度

右丹溪論勞瘵主乎陰虛者 蓋自子至巳屬陽 自午至亥屬陰 陰虛則熱在午後 子前寤屬陽 寐屬陰 陰虛則汗從寐時盜出也 升屬陽 降屬陰 陰虛則氣不降 氣不降則痰涎上逆而連綿吐出不絕也 脉浮屬陽 沉屬陰 陰虛則浮之洪大 沉之空虚也 此皆陰虛之症 用四物竹瀝 又加炒栝蘆板皆補陰降火之劑 又須達嗜慾薄滋味 靜心調養 以助之也

陰虛發熱 四物湯加黃栢 兼氣虛者 加參 芪 白朮 御院瓊玉膏 滋血補氣 延年益壽

人參

二十六兩去蘆 鬚剉爲淨末

白茯苓

二十四兩去皮研爲細末

生地

黃

十六斤搗取汁 以盡爲度去渣

蜜斤

右和勻入銀石器瓶中內用油紙外用竹箬包以軟篾
縛緊瓶口入重湯內懸胎煮之用桑柴文武火不住手
三晝夜入井中浸一日夜出火毒又煮一日出陰毒取
出每早空心用酒或白湯調下

羅清神甘露丸治男子婦人虛勞不足大骨枯大肉陷皆
治之

生地汁 白蓮藕汁 生乳汁

生用

右三味等分用砂石器內以文武火熬成膏子用後藥

人參 白朮 黃連 黃芪 五味子

胡黃連

右各等分爲細末以前膏子和劑丸如桐子大每服五
十九丸人參湯下

海黃芪膏子煎丸

人參

白朮

各一兩半

柴胡

黃芩

各一兩

白芷

知母

各半兩

甘草

半兩

鱉甲

一兩

酥炙

黃芪

半斤爲粗末用水二斗熬一斗去渣再熬今不住手攪成膏至半斤入白蜜一匙錫一兩再熬

今熟放

右爲末用黃芪膏和勻丸每早白湯服下

呼吸少氣懶言語無力動作目無睛光面色眊白皆兼氣

虛也

補天丸治陰虛骨蒸發熱形羸瘦者紫河車洗淨用布

絞乾用補腎丸藥末搗細焙乾再碾爲末酒煮米糊爲丸

梧子大每服七八十九熱湯下夏月加五味子紫河車卽

初生男子胞衣也

補腎丸治陰虛有痰膈不清者

龜板

一兩半

黃柏

半兩

牛膝

二兩

乾姜

錢

陳皮

兩半

右爲末姜汁打糊丸每服七八十丸

治酒色過傷少陰

黃栢一兩半炒

黃芩半兩炒

地黃一兩

龜板五兩酒炒

夏加砂仁三錢五味五錢冬加乾姜炒黑三錢用炊

餅爲丸食前白湯服三五十九

丹溪心法以地黃作黃栢

地黃丸治久新憔悴寢汗發熱五臟齊損瘦弱虛煩腸

澀下血骨蒸痿弱無力不能運動東垣云治脉沉而虛者

熟地八兩

山茱萸淨

山藥各四兩

牡丹皮

茯苓

澤瀉各三兩

右爲細末煉蜜丸桐子大空心溫酒服五十丸

田或問錢氏地黃丸補腎又曰補肝何也曰然手厥陰心

主包絡足厥陰肝經俱治在下焦經云不足者滋其化源

故肝腎之病同一治法此地黃丸補二經之意也海藏云若加五

味爲腎氣丸此滋
肺之源以生腎水

黑地黃丸加五味子爲腎氣丸治陽盛陰衰脾胃不足
房室虛損形瘦無力面多青黃而無常色此補氣益胃

蒼朮一斤

油浸

熟地一斤

五味子斤

乾姜

秋冬一兩
夏半兩春

錢七

右爲細末，棗肉丸。梧子大，食前米飲或酒服。白丸治血
虛久痔甚妙。經曰：腎苦燥，急食辛以潤之。此藥開腠理，
生津液，通氣。又五味子酸以收之。此雖陽盛而不燥熱，
乃是五臟虛損於內，故可益血收氣。此藥類象神品方
也。

治陽盛心肺不足，宜八味丸。四肢弱無力多困，未知陰陽
先損，夏可用地黃丸，春秋宜腎氣丸，冬宜八味丸。

雞蘇丸

治嗽血

方見

右治肺腎虛蓋肝心屬陽肺腎屬陰陰虛則肺腎虛矣
腎虛者從房室中來其症或腰痠腰痛或足痠足痿足
熱或遺精白濁是也肺虛者或咳嗽或吐血是也治腎
虛四方前二方龜板黃栢爲君有痰無痰皆可用後二
方地黃爲君無痰可用痰多而膈不清者宜審之治肺
虛咳嗽唾血者方法浩大另立咳嗽唾門也

四 虛勞皆積熱做成始健時可用子和法後日羸憊四物
湯加減送消積丸使熱不作也 蒸蒸發熱積病最多

小陷胷湯治濕痰發熱極妙

方見傷寒
脚結解門

退實熱勞積痰

鱉甲

龜板

側栢

瓜蒌仁

半夏

黃連

黃栢

右爲末炊餅丸

又濕痰發熱

黃芩炒

黃連炒

香附生

蒼朮

右爲末瓜蒌穰爲丸

青礞石丸方見

河間人參半

夏九方見

治施官人年三十餘不可勞動勞動則發熱臆洪而大在右手短而瀉在左手予謂此必酒痰成濕傷血又問之遇少勞則喘乏力小便或赤或白

當歸

黃芪

人參各五分

芍藥一分

白朮二分

川芎五分

木通三分

黃芩三分

陳皮五分

厚朴五分

炙甘草二分

煎湯下青礞

石丸

羅柴胡飲下解一切肌骨蒸熱寒熱往來及傷寒發汗不解或汗後餘熱勞復或婦人經病不快產後但有如此之

疝並宜服之

黃芩

甘草

大黃

芍藥

柴胡

人參

當歸各半兩

右咬咀姜三片煎熱服

保防風當歸飲子治煩熱皮膚索澤食後煎服空心宜以此飲下地黃丸

柴胡

人參

黃芩

甘草

防風

大黃

當歸

芍藥各半兩滑石二錢

右咬咀每服五錢水一盞半姜三片煎七分溫服如痰嗽加半夏如大便黃米穀完出驚悸弱血淋閉欬血衄血自汗頭痛積熱肺痿後與大金花丸

大金花丸

黃栢

黃芩

黃連

山梔各一兩

右爲細末水丸小莖大每服一百丸溫水下日二三服
或大便實加大黃自利如中外熱者此藥作散煎服名
解毒湯或腹痛嘔吐欲作利者每服解毒湯半兩加半
夏茯苓厚朴各三錢姜三片如白膿後重下利後重者
加大黃三錢

麥煎散治少男室女骨蒸婦人風血攻疰四肢

赤茯苓

當歸

乾漆

鱉甲炙

常山

大黃煨

柴胡

白朮

生地

石膏各一兩

甘草半兩

右爲末每服三錢小麥五十粒水煎食後臨臥服若有
虛汗加麻黃根一兩東坡云此黃州吳判官療骨蒸黃
瘦口臭肌熱盜汗極效吳君寶之不肯妄傳

當歸龍薈丸治肝有積痰汚血結熱而勞瘵者其大衝脉

必與衝陽脈不相應宜以補陰藥吞此丸神效方見前

右勞瘵兼痰積其症腹脇常熱手足頭面則於寅卯時分乍有涼時者是也若頑痰膠固難治者必以吐法吐之或沉香滾痰丸透腦丹之類下之又甚者或用倒倉法若痰積閉塞經脈則太衝脈與衝陽寸口脈數而不相應者極難治自陰虛條至此凡六法但患勞者罕能脫此六法自此以後數法宜審而行之無其病莫妄施也

世治骨蒸熱神效

前胡一錢

柴胡二錢

胡黃連一錢

猪脊髓一條

猪膽一筒

右水煎入猪膽汁服之

酒地骨皮枳殼散治骨蒸壯熱肌肉消瘦少力多困夜多

盜汗

地骨皮

秦艽

柴胡

枳殼

知母

當歸

鱉甲

醋炙

右等分爲末水一盞桃柳枝頭各七箇姜三片烏梅一箇去查臨臥服。

汗
羅秦艽鱉甲散治骨蒸壯熱肌肉消瘦舌紅頰赤目倦盜

柴胡

地骨皮

各一兩

秦艽

知母

當歸

各半兩

鱉甲

一兩去裙

秦艽

右爲籠末每服五錢水一盞入烏梅一箇青蒿五葉同煎至七分去查溫服臨臥空心各一服。

人參地骨皮散治臟中積冷營中熱按之不足舉之有餘陰不足而陽有餘也。

茯苓兩

知母

石膏各一兩

地骨皮

人參

柴胡

生地各一兩

五錢

右咬咀每服一兩生姜三片水煎細細服

人參柴胡散治邪熱客於經絡肌熱痰嗽五心煩躁頭目昏瀧夜有盜汗及婦人虛勞骨蒸尤宜

白茯苓

人參

白朮

柴胡

當歸

半夏麩

乾葛

甘草炙

赤芍藥

已上各一兩

右爲細末每服三錢姜四片棗三枚水煎帶熱服許學

但有勞熱症皆可服熱退卽止大抵透肌

芎根第一柴胡次之其方多黃芩半兩

右四方治虛損復受邪熱皆宜用柴胡衍義云柴胡本

經並無一字治勞今人方中治勞解有不用者誤人甚

多常原病勞有一種真臟虛損復受邪熱因虛而致勞

故曰勞者牢也當斟酌之如經驗方治勞熱青蒿煎丸

用柴胡正宜服之無不效熱去卽須急已若無邪熱得此愈甚雖至死人亦不怨王海藏云苟無實熱醫取用之不死何待後之用柴胡者宜審諸又大忌苓連枳朮用純苦寒藥反瀉其陽但當用瓊玉膏之類大助陽氣使其復還寅卯之位微加瀉陰火之藥是也

火鬱湯方見前

柴胡升陽湯方見前

右二方治重陰覆其陽火不得伸或洒洒惡寒或志意不樂或脉弦數或四肢五心煩熱是也病去卽已不可過劑服寒涼藥症雖大減脉反加數者陽鬱也大忌寒涼宜升宜補犯之死速

問兩手寸關弦病脾弱火勝木旺土虧金鏗當作何治
答曰不治標本從乎中治木標也土本也火中也燉金虧土旺木者皆火也錢仲陽安神丸主之山積麥冬益金之

氣金益則氣旺而木自平寒水石牙硝火中添水使化爲
濕熱也濕熱爲季夏之令非土而何故用硃砂以墜火下
行將退與子權行濕令也故脉弦得除而土自旺秋喘加
人參丹砂等夏則不加養氣者加沉香欲發汗者臨臥先
與白粥一盞後藥之則汗也寒熱神少振搖小便淋或多
或大便走完穀不化口乾舌縮唇吻有瘡心下痞大渴引
飲惡乾喜濕目花四肢無力怠惰嗜臥食不入皮膚燥澁
面色黧黑肌肉消爍胃腹中急額上汗者法宜洩火益濕
補氣脉弦浮沉者同治以安神丸主之方見治氣不化
小便不利濕潤肌滑熱蒸陰少氣不化氣走小便利自
汗肌燥瀆爲迫津液不能停離珠丹主之方見弦數者
陽陷于內從外而之內也弦則帶數甲經于乙緊則帶洪
壬經于丙若弦虛則無火細則有水此二脉從內之外不

宜離珠丹

④瀉

火令速行而土虛土虛則長夏不

弦數

至難經曰虛則補其母資其化源

脈

④申少 ④補 ④常瀉火于金中補土是也

右寸顯弦數脈是東方實乃乘子勢也既瀉其子火木

自虛矣以寒藥瀉火是補北方水木既乘火勢而來傷

金當金中瀉火火退則木無所恃而自退是實則瀉其

子也

子也

五勞虛極羸瘦腹滿不能飲食食傷憂傷飲傷房室傷

饑傷勞傷經絡榮衛氣傷內有乾血肌膚甲錯兩目黯黑

緩中補虛大黃虫垂丸主之結在內者手足脈必加失此此方然必兼大補劑瓊玉膏

脈之類

大黃十兩

黃芩二兩

甘草二兩

桃仁升

杏仁升一

芍藥兩四

地黄兩半

乾漆兩一

重升一

水蛭枚百

蟻升一

蜜斤半

右十二味爲末煉蜜丸如小菝大日三服酒下五丸

陳大夫傳張仲景百勞丸治一切勞瘵積滯疾不經藥壞症者宜服

當歸炒

乳香

沒藥各一錢

人參一錢

大黃錢四

重十四枚

水蛭十四枚

右爲細末煉蜜丸如桐子大都作一服可百丸五更百

勞水下取惡物爲度服白粥十日百勞水用杓揚百遍

仲景甘爛水是也

外臺治骨蒸桃仁一百二十枚去皮併雙仁留尖杵和爲

丸平旦井花水服今盡服訖量性飲酒仍須吃水多效隔

日又服一劑百日不得食肉

四炙甘草湯

一名復味湯

治虛勞不足汗出而悶脈結悸行動

如常不出百日急者十一日死

方見傷寒

海四物加減湯治婦人骨蒸

當歸

白芍藥

川芎

地黃巴上補血

地骨皮

瀉腎火

牡丹皮

瀉包絡火各等分

右咬咀水煎服

羅逍遙散治血虛勞倦五心煩蒸煩赤盜汗室女血弱陰

虛營衛不和月水不調痰嗽潮熱肌體羸瘦漸成骨蒸

茯苓

白朮

當歸

芍藥

柴胡

甘草炙

右咬咀生姜一塊煨切破薄荷少許同煎

右二方治婦人骨蒸大法若夫要處並同於前陰虛法

取之蒸病治者宜隨各經虛實內外淺深用藥加減

可也

古今錄驗五蒸湯

茯苓

甘草

人參

竹葉

地黃

葛根

知母

黃芩

石膏

粳米二合

右咬咀以水三盞煎小麥二合至二盞去麥煎藥至一

盞溫服隨症加減于後忌海藻松菜蕪荑大醋

實熱

加黃芩

黃連

黃柏

大黃

虛熱

氣

加烏梅

秦艽

柴胡

血

加青蒿

鱉甲

蛤蚧

小麥

牡丹皮

肺蒸

解

加烏梅

天冬

麥冬

紫苑

大腸

右鼻孔

加大黃

芒硝

皮蒸

舌白

加石膏

桑白皮

膚蒸

昏昧

加丹皮

氣蒸

鼻乾喘促
過身氣熱

加人參

黃芩

山梔

心蒸

舌乾

加黃連

生地

小腸

下唇焦

加赤茯苓

生地

木通

血蒸

髮焦

加生地

當歸

桂心

童便

脉蒸

唾白浪語脉絡
溢脉緩急不調

加當歸

生地

脾蒸

舌焦

加白芍

木瓜

苦參

胃蒸

舌下痛

加石膏

粳米

大黃

芒硝

乾葛

肉蒸

食無味而嘔
煩燥不安

加白芍

肝蒸

眼赤

加川芎

當歸

前胡

膽蒸

眼色白

加柴胡

括婁

筋蒸

甲焦

加當歸

川芎

三焦蒸

乍熱乍寒

加石膏

竹葉

腎蒸

兩耳焦

加生地

石膏

知母

寒水石

膀胱蒸

右耳

加澤瀉

茯苓

滑石

腦蒸

頭眩

加生地

防風

羌活

髓蒸

髓枯骨

加生地

當歸

天門冬

骨蒸

齒黑腸痛足逆
冷痺虫食藏

加鱉甲

地骨皮

丹皮

生地

當歸

腎蒸

肢細珠腫
淋瀝皆熱

加石膏

黃芩

胞蒸

小便赤黃

加澤瀉

茯苓

生地

沉香

滑石

凡此諸症皆熱病後食肥甘油膩房事飲酒犯之而成

久蒸不除變成疴病死期近矣

牡丹皮治無汗之骨蒸

能瀉陰
中之火

知母治有汗之骨蒸

通經治骨蒸勞用薄荷汁與衆藥熬成膏

治患勞人燒香法玄參一斤甘松六兩爲末煉蜜一

斤和勻入磁瓶內封閉地中埋甕半日取出更用炭末六

兩煉蜜六兩和勻入瓶內封膏五日取出燒使鼻中常聞香氣疾自愈矣。

撮要 治骨蒸勞熱

膏膏

在四椎下五椎上各開三寸多百壯詳見刺法門

三

里

弱矣 熱勞上氣喘滿

肺俞

五分留七呼灸七壯

尺澤

崔氏治骨蒸傳尸勞灸四花穴兼治赤白帶

第一次取二穴令患人正立取一蠟繩從足大拇指端

在貼肉量至後跟上端至委中橫紋絕斷為則子復令患

人解衣分兩邊令見頭繩卻平身正坐取前則子從鼻端

貼肉上至頭絳下至項脊骨以則子盡處為記用墨點之

是穴又另取一繩令患人合口將繩兩頭至口吻當中鈎

起至鼻柱根如人字齊兩吻截却展直於前則子盡頃

墨記處橫量開取兩平頭是穴

頭左右當斗高下相平

第二次取

二穴令平身正坐又取一繩繞項向前雙垂與乳頭齊截
斷却背翻繩頭向項後以繩中停於結喉上其下雙垂繩
頭盡處當背骨中用墨點之亦不又取一繩令病人合口
橫量二吻截斷移於前脊中記處橫量取平須左右當中
上下相半
兩頭是穴連前第一次通取共計四穴同時上火七壯至
二十壯灸至百壯候灸瘡癢却取三次穴第三次取二
穴將前第二次量口吻繩子於第一次雙繩頭盡處墨點
記上當脊骨直上下豎點令繩子中停中心在墨點處於
上下繩盡處是穴灸如前法

標體熱勞嗽 魄尺 海

標治骨蒸熱不可治者或前板齒乾燥 大椎

標又法 鳩尾灸二十七壯補之

右背俞取膏肓肺俞四花穴大椎等穴治勞瘵者皆為

陽氣下陷而寒熱往來也若灸之早百發百中累試有效

足龍傳尸勞

湧泉

第二足指端量至極盡折中足針三分瀉六吸傷寒及勞瘵之症有血可

治無血必危凡欲出血

豐隆

此穴治痰針入一寸深十吸

丹田

治氣喘針入三分補二呼

男子婦人脈大為勞極虛亦為勞 男子面色薄者主

渴及亡血卒喘悸脈浮者裏虛也 勞之為病其脈浮大

手足煩春夏劇秋冬瘕陰寒精自出瘦削不能行 脈弦

而大弦則為減大則為乳減則為寒乳則為虛虛寒相搏

此名為華婦人則半產漏下男子則亡血失精 跌陽脈

浮而乳浮者衛氣衰乳者榮氣傷其體瘦肌肉甲錯浮乳

相搏榮氣衰微四屬斷絕

右胗脈浮而大或大而弦皆為虛勞者蓋陽盛陰虛之

症也暮多見之

節男子婦人脈虛細弱者勞也 男子脈虛沉弦無寒熱短氣裏急小便不利面色白時目瞑兼衄少腹滿此為勞使之然 脈沉小遲名脫氣其人疾行則喘喝手足逆寒腹滿甚則溇泄食不消化也

右胗脈虛微細弦為虛勞者蓋陰陽俱虛之症也最多見之

經腎蒸之極聲啞咽痛面黃脈躁直視汗出如珠喘乏氣促出而無入毛焦唇反此皆不治之症雖有神醫亦無如之何矣

傳尸勞熱

華治傳尸勞太乙明月丹其病肌瘦面黃嘔吐咳嗽不安先燒安息香令烟出病人吸之不嗽非傳尸也不可用

此藥若烟入咳嗽不止乃傳尸也宜用此藥

雄黃

木香各半兩

天靈蓋各一兩

輕粉一分

鱉甲

一兩

兔屎

一兩

右爲末用法酒一大升大黃末半分熬香入前藥爲丸
彈子大硃砂爲衣五更初服勿令人知以童便和酒化
一丸服如人行十里許必吐出虫狀如燈心細長及如
爛瓜子又如蝦蟆狀各不同未效次日再服以應爲度
治傳尸伏尸皆有虫須用乳香薰病人之手乃仰手
掌以帛覆其上薰良久手背上有毛長寸許白而黃者可
治紅者稍難青黑者卽死最驗若熏之良久無毛者卽非
此病乃屬勞瘵虛損卽用前參芪溫補之藥

取傳尸伏尸勞虫法

天靈蓋

十字者爲末三分

安息香

半兩

虎糞骨

人骨爲上獸骨

次之端 鱉甲九肋大者 桃仁去皮尖

麝香研 柝榔為末 青蒿稍六 豉三百

芴頭一百二 童便半 楓葉二十 桃柳東南

板如筋大者每七條各七寸

右先將青蒿桃柳楓葉芴頭用水二官升煎半乾去查

入天靈虎黃骨鱉甲安息香童便煎取汁去查約有四

五合將柝榔麝香研勻調作一服早辰空腹服以被蓋

汗恐汗內有細虫以白紙拭之投火中須臾必下如有

虫以大火焚之棄流水中所用藥勿令病者知之半月

後氣血復完再進一服依前法三次無虫乃止以美飲

食調理其病自愈此方必有阿膠半錢

無又方

- 桑枝
- 柳枝
- 石榴枝
- 桃枝

梅枝各七莖
長四寸

青松一小

右用童便一升半，芴白七莖，去頭葉，煎及一半，去查，別入安息香、阿魏各一分，煎至一鍾，濾去查，調辰砂末半錢，檳榔末一分，麝香一字，分作二服，調下。五更初，一服。五更三點時，一服。至巳牌後，取下。重色紅者可治青者。不治，見有所下，卽進稀粥，飲溫煖，將息，不可食粉麵。生冷毒物，合時須擇良日，不得令猫犬孝服穢惡。婦人見之。

神人阿魏散 治骨蒸傳尸等寒熱羸勞困倦喘嗽

阿魏錢

青蒿一握

東北方向桃枝一握
細切

甘草

如病人中，指許大，男左女右，細切。

右以童便二升半，隔夜浸藥，明旦煎取一大升，空心溫服，分爲三服，每次調入檳榔末三分，如人行十里再進。

一服男病女煎女病男煎合藥時忌孝子孕婦病人及
腥穢鷄犬等物服後忌油膩濕麵生冷硬物服至一二
劑卽吐出虫子或瀉出更不須服餘藥若未吐利卽當
盡服病在上則吐在下則利皆出虫如馬尾人髮卽愈
服藥後覺五臟虛弱魂魄不安卽以白茯苓湯補之

白茯苓

錢一

人參

錢五

遠志

錢二

龍骨

防風

錢二

甘草

錢三

生地

錢四

麥冬

錢四

犀角末

錢五

大棗

錢七

右以水二大盞煎作八合分三服溫服如人行十里一
服仍避風寒若覺未安隔日更作一劑已上藥餌須連
服之

羅犀角紫河車丸治傳尸勞三月必效其餘勞症只消數
服

紫河車

一貝米日浸一
清洗淨焙乾

紫甲

酥

桔梗

胡黃連

白芍

大黃

敗鼓皮心續

貝母去心

龍膽草

黃藥子

知母已上各
一歲半

芒硝

犀角

蓬朮各一
錢半

朱砂

錢

右爲細末煉蜜丸如梧子大硃砂爲衣空心溫酒服三

四十九

本草葛洪云鬼疰者是五尸之一疰又按諸鬼邪爲害其變動乃有三十六種至九十九種大畧使人淋漓沈沈默默的不知其所苦而無處不惡累年積月漸就頓滯以至於死傳於旁人乃至滅門覺知是候者急治獺肝一具陰乾取末水服方寸七日三服效未知再服此方神良天慶觀一法師行考校極精歲時一婦人投狀述患人有所附須臾乃附語云非我所禍別是一鬼亦自病人命衰爲祟

耳今已成形在患人肺中爲虫食其肺系故令吐血聲嘶
師掠之曰此虫還得長生否久而無語再掠之良久云唯
畏獺爪屑爲末以酒服之則去矣患家如其言得愈此予
所目見也究其患亦相似獺爪者獺肝之類歟

用後治屍疰鬼疰病用桃仁五十枚研碎以水煮取四升
作一服盡當吐如病不盡二三日再服

治傳屍蟲瘞之症父子兄弟互相傳染甚者絕戶此乃
祖父冤債或風水所係雖有符文法水下垂之法然虫去
人亡亦未爲全美若能平素保養則自愈矣

產後發熱

大人參湯治產後諸虛不足發熱盜汗

人參 當歸 等分

右爲末以猪腰子一具去脂膜切小片子以水三升糯

米半合芴白二條煮米熟取清汁一盞入藥末二錢煎至八分不拘時溫服。

犀角 飲子治產後亡津液虛損時自汗出發熱困倦唇口乾燥。

犀角

麥冬

白木

各半兩

柴胡

一兩

枳殼

炒

地骨皮

生地

甘草

炒

當歸

人參

茯苓

黃芩

黃連

各七錢

右咬咀入浮麥七十粒姜三片同水煎每服四錢產後發熱多屬虛寒惟乾姜加入補藥中神效此丹溪法也。

醫學綱目卷之五終